



SUDSKA PRAKSA
I NOVOUSVOJENI ZAKONI



Dobrodošli!

Novo izdanje newslettera između ostalog sadrži:

- Korištenje vještačke inteligencije u harmonizaciji sudske prakse
- Zakoni Bosne i Hercegovine
- Održan sastanak Panela za ujednačavanje sudske prakse iz građanske oblasti
- Stavovi sudske prakse Bosne i Hercegovine
- Novosti u Bazi sudskih odluka

VAŽNO

Web stranica Odjela za sudsku dokumentaciju i edukaciju Sekretarijata VSTV-a BiH, koji za vas priprema i uređuje newsletter predstavlja centralno mjesto za pristup izabranim sudskim odlukama i zakonima sa izmjenama i dopunama, što značajno olakšava i ubrzava rad učesnicima u sudskom postupku.

Nosioci pravosudnih funkcija u BiH korisničke podatke za pristup zakonima i edukativnim materijalima mogu tražiti putem e-maila: osde@pravosudje.ba.

Napomena:

Link određenog zakona iz newslettera vodi do ekrana u koji trebate unijeti korisničke podatke i nakon prijave potrebno je ponovo kliknuti na link tog zakona iz newslettera kako bi se isti otvorio.



POSEBNO IZDVAJAMO

[Stavovi sudske prakse Bosne i Hercegovine srpanj-rujan 2025.](#)

[Zakon o administrativnim pristojbama](#)

[Korištenje vještačke inteligencije u harmonizaciji sudske prakse](#)

[Održan sastanak Panela za ujednačavanje sudbene prakse iz građanske oblasti](#)

[V Edukacija „Stegovni postupak i praksa“](#)

KORIŠTENJE VJEŠTAČKE INTELIGENCIJE U HARMONIZACIJI SUDSKE PRAKSE



Održan stručni skup u organizaciji Vijeća Evrope pod nazivom „Korištenje vještačke inteligencije u harmonizaciji sudske prakse“

Tokom stručnog skupa predstavljena su iskustva Kasacionog suda u Francuskoj u uvođenju vještačke inteligencije, koji je u organizacionom i u većem dijelu tehničkom segmentu predstavio gospodin Amaury Fouret, stručnjak za obradu podataka pri Kasacionom sudu.

Okrugli sto je moderirala gospođa Sevima Sali-Terzić, bivša registrarka Ustavnog suda Bosne i Hercegovine, koja je između ostalog tom prilikom predstavila način sortiranja sudskih odluka tog suda radi njihove lakše pretrage i korištenja, te je ukazala na značaj adekvatnosti informaciono-tehnološke podrške u ovom procesu.



[PROČITAJ VIŠE](#)


Održan sastanak Panela za ujednačavanje sudske prakse iz građanske oblasti



7. listopada 2025. godine, održan je Panel za ujednačavanje sudske prakse iz građanske oblasti, drugi po redu u 2025. godini.

Na Panelu su sudjelovali suci najviših sudova u Bosni i Hercegovini, odnosno predstavnici Suda Bosne i Hercegovine – Apelacijski odjel, Vrhovnog suda Republike Srpske, Vrhovnog suda Federacije Bosne i Hercegovine te Apelacijskog suda Brčko distrikta Bosne i Hercegovine, uz koordinaciju Visokog sudbenog i tužiteljskog vijeća Bosne i Hercegovine.

Učesnicima se obratio Damjan Kaurinović, predsjednik Apelacijskog suda Brčko distrikta BiH kao suda domaćina ovog sastanka, te naglasio značaj Panela kao mehanizma za ujednačavanje sudbene prakse na nivou države, a radi osiguranja pravne sigurnosti i jednakosti pred zakonom građana Bosne i Hercegovine.



[PROČITAJ VIŠE](#)



Zakon o administrativnim pristojbama

U „Službenom glasniku Bosne i Hercegovine“ broj 57/25 od 3. listopada 2025. godine objavljen je Zakon o dopunama zakona o administrativnim pristojbama, koji je usvojila Parlamentarna skupština Bosne i Hercegovine, na 20. sjednici Zastupničkog doma, održanoj 16. srpnja 2024. godine, i na 18. hitnoj sjednici Doma Naroda, održanoj 30. rujna 2025. godine.

Zakon o administrativnim pristojbama objavljen je u „Službenom glasniku Bosne i Hercegovine“ broj 16/02, 19/02, 43/04, 8/06, 76/06, 76/07 i 98/12.

Ovaj zakon stupa na snagu idućeg dana od dana objave u "Službenom glasniku BiH".

[ZAKON PREUZMI](#)



Zakoni Federacije BiH 2021-2025



Zakon o visini stope zatezne kamate na javne prihode

U „Službenim novinama Federacije Bosne i Hercegovine“ broj 77/25 od 8.10.2025. godine objavljen je Zakon o izmjenama i dopunama Zakona o visini stope zatezne kamate na javne prihode, koji je usvojio Parlament Federacije Bosne i Hercegovine na sjednici Zastupničkog doma od 25.9.2025. godine i na sjednici Doma naroda od 30.09.2025. godine.

Zakon o visini stope zatezne kamate na javne prihode objavljen je u "Službenim novinama Federacije Bosne i Hercegovine" broj 48/01, 52/01, 42/06, 28/13, 66/14, 86/15, 34/18, 99/19, 48/21 i 81/23.

Ovaj zakon stupa na snagu osmog dana od dana objave u "Službenim novinama Federacije BiH".

ZAKON PREUZMI

Zakon o zaštiti od požara i vatrogastvu

U „Službenim novinama Federacije Bosne i Hercegovine“ broj 77/25 od 8.10.2025. godine objavljen je Zakon o izmjenama Zakona o zaštiti od požara i vatrogastvu, koji je usvojio Parlament Federacije Bosne i Hercegovine na sjednici Zastupničkog doma od 23.7.2025. godine i na sjednici Doma naroda od 30.09.2025. godine.

Zakon o zaštiti od požara i vatrogastvu objavljen je u "Službenim novinama Federacije Bosne i Hercegovine" broj 64/09.

Ovaj zakon stupa na snagu osmog dana od dana objave u "Službenim novinama Federacije BiH".

ZAKON PREUZMI



ZAKONI BRČKO DISTRIKTA BIH 2021 - 2025

ZAKONI REPUBLIKE SRPSKE 2021 - 2025

Zakon o predškolskom vaspitanju i obrazovanju u Brčko distriktu Bosne i Hercegovine

U „Službenom glasniku Brčko distrikta Bosne i Hercegovine“ broj 31/25 od 22. septembra 2025. godine objavljen je Zakon o izmjeni Zakona o predškolskom vaspitanju i obrazovanju u Brčko distriktu Bosne i Hercegovine, koji je usvojila Skupština Brčko distrikta BiH na 16. redovnoj sjednici održanoj 10. septembra 2025. godine.

Zakon o predškolskom vaspitanju i obrazovanju u Brčko distriktu Bosne i Hercegovine objavljen je u „Službenom glasniku Brčko distrikta Bosne i Hercegovine“ brojevi 13/07, 19/07, 39/08, 21/10, 48/16, 22/17, 24/20, 13/21, 13/22 i 31/23.

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

ZAKON PREUZMI

Zakon o policiji i unutrašnjim poslovima

U “Službenom glasniku Republike Srpske” broj 81/25 od 19.9.2025. godine objavljen je Zakon o izmjeni i dopunama Zakona o policiji i unutrašnjim poslovima, koji je Narodna skupština Republike Srpske usvojila na Petnaestoj redovnoj sjednici, održanoj 3. jula 2025. godine.

Zakon o policiji i unutrašnjim poslovima objavljen je u “Službenom glasniku Republike Srpske” broj 57/16, 110/16, 58/19, 82/19, 18/22 – Odluka Ustavnog suda Republike Srpske, 55/23 i 48/24.

Ovaj zakon stupa na snagu osmog dana od dana objavljivanja u “Službenom glasniku Republike Srpske”.

ZAKON PREUZMI

V Edukacija „Stegovni postupak i praksa“

Dana 13. i 14. listopada 2025. godine u Sarajevu je održana V obuka na temu « Stegovni postupak i praksa », namijenjena članovima stegovnih povjerenstava Visokog sudbenog i tužiteljskog vijeća Bosne i Hercegovine (VSTV BiH), kao i osobama sa liste pričuvnih i budućih članova ovih povjerenstava.

U uvodnom dijelu obuke novi članovi stegovnog povjerenstva imali su priliku upoznati se sa ulogom i mandatom stegovnih povjerenstava, načinom njihovog rada, organizaciji sjednica, pravima i obvezama članova, a naročito u pogledu standarda nepristrasnosti i povjerljivosti, te postupka odlučivanja, donošenja odluka i najčešćih izazova u radu.

U nastavku obuke, razmatrana je novija stegovna praksa zauzeta u konačnim odlukama donesenim u stegovnim postupcima protiv sudaca i tužitelja.

Napravljen je i osvrt na vještinu izrade stegovnih odluka u smislu jasnoće i kvalitete obrazloženja, kao i dosljednosti s prethodnim odlukama, te na novine u Zakonu o VSTV-u BiH u pogledu novih stegovnih prekršaja i njihove primjene u praksi.

Tokom drugog dana obuke razmatrana je primjena Smjernica za izricanje stegovnih mjera, kao i njihov učinak na ujednačavanje stegovne prakse i dosljednost kod odmjeravanja mjera, te stegovnu politiku generalno, sve radi eventualnog odvratajućeg efekta u odnosu na ostale nositelje pravosudnih funkcija.

Angažirani su izlagači sa dužim iskustvom u radu stegovnih povjerenstava, te vanjski eksperti sa kojima se ranije surađivalo u ovoj oblasti. Pojedine predavače se angažiralo po prvi put, naročito vezano za analizu stegovne politike, između ostalih i suca Ustavnog suda Republike Srpske.

Poseban doprinos obuci dala je i prof. dr. Lorena Bachmaier Winter, redovita profesorica na katedri za kazneno i građansko procesno pravo na Pravnom fakultetu Univerziteta Complutense iz Madrida, koja je dala osvrt na stegovnu praksu sa aspekta međunarodnih standarda.

Obuku je organizirao VSTV-a BiH u suradnji sa EU4Justice projektom koji je finansijski podržao održavanje ove obuke.





Radi lakšeg pristupa izabranim odlukama sudova u Bosni i Hercegovini, Visoko sudsko i tužilačko vijeće Bosne i Hercegovine razvilo je mobilnu aplikaciju za korištenje Baze sudskih odluka koja je dostupna na App Store ili Google Play trgovini besplatno.

Upotreba mobilne aplikacije omogućava pretraživanje trajno dostupnih odluka iz građanske, krivične i upravne oblasti sa akcentom na odluke od javnog interesa u svakom trenutku i na svakom mjestu.

Praćenje objavljenih odluka od strane nosilaca pravosudnih funkcija doprinosi ujednačavanju sudske prakse i smanjenju vjerovatnoće donošenja različitih odluka u istim ili sličnim predmetima.

Istovremeno se građanima pruža mogućnost uvida u dužinu trajanja, troškove i ishod sudskog postupka, na osnovu čega mogu odlučiti da li žele pokrenuti sudski postupak.

Novosti u Bazi sudskih odluka

O izabranim odlukama sudova u Bosni i Hercegovini možete se informisati kroz bazu sudskih odluka Bosne i Hercegovine. U bazi su vam dostupne meritorne odluke donesene u izabranom predmetu, kao i odluke Ustavnog suda Bosne i Hercegovine ukoliko je u konkretnom predmetu uložena apelacija ovom sudu.

U bazi je trenutno dostupno 30004 odluka, od čega su 16081 odluke iz građanske oblasti, 10937 iz krivične oblasti, 2982 iz upravne oblasti, te 4 odluke Evropskog suda za ljudska prava sa vezanim odlukama sudova u Bosni i Hercegovini. Odluke možete pretraživati po različitim parametrima npr. broj odluke, datum donošenja odluke, naziv suda koji je donio odluku i slično. Pretragu možete vršiti i po pravnim terminima i slobodnom tekstu npr. djela protiv sigurnosti javnog prometa, priznanje strane sudske odluke, otkaz ugovora o radu i slično.

Jednostavna pretraga

Napredna pretraga

Nove odluke

Priručnik za korisnike Baze sudskih odluka

Napredna pretraga sudskih odluka


Naziv suda / institucije Odobriti...	Priloga odluci Odobriti...
Broj presude Odobriti...	Vrsta presude Odobriti...
Datum odluke Od: → Do:	
Vrsta odluke Odobriti...	Priloga odluci Odobriti...
Pretraga odluka po sadržaju <input type="checkbox"/> Sa odobrenim prilogom <input type="checkbox"/> Sa svim prilogama <input type="checkbox"/> Sa bezim prilogama od sudu	
Indeksirani podaci * Naziv primarnog predmeta Odobriti...	* Priloga shodno prilogu Odobriti...
Priloga odluci Odobriti...	
Datum unosa odluke Od: → Do:	
Priloga odluci Odobriti...	Sortirani <input type="checkbox"/>
Sortiraj prema Odobriti...	<input type="checkbox"/> Relezi <input type="checkbox"/> Obavljani
Naziv presude Odobriti...	

PRISTUP BAZI SUDSKIH ODLUKA

Stavovi sudske prakse Bosne i Hercegovine

Visoko sudsko i tužilačko vijeće Bosne i Hercegovine je u saradnji sa Sudom Bosne i Hercegovine, Vrhovnim sudom Republike Srpske, Vrhovnim sudom Federacije Bosne i Hercegovine, te Apelacionim sudom Brčko distrikta Bosne i Hercegovine pokrenulo sistemsko obavještanje pravosudne zajednice o stavovima sudske prakse koje definiraju i objavljuju navedeni sudovi na [Portal sudske prakse \(„E-sentence“\)](#).

Aktivnosti ovog tipa dio su strateškog opredjeljenja Vijeća, da u saradnji sa sudovima najviše instance u Bosni i Hercegovini poveća dostupnost sudskih odluka i stavova sudske prakse za pravosudnu zajednicu i javnost.



Stavovi sudske prakse Bosne i Hercegovine srpanj-rujan 2025.

[PROČITAJ VIŠE](#)

[Portal sudske prakse u Bosni i Hercegovini](#)

Informacije o najnovijim predmetima Europskog suda za ljudska prava Praksa Europskog suda za ljudska prava od 14. i 23. listopada 2025. godine

[PROČITAJ VIŠE](#)

Tartamella i ostali protiv Italije

Predmet se odnosi na zapljenu i oduzimanje imovine koja pripada podnositeljima predstavke, a čija je vrijednost procijenjena kao ekvivalentna imovinskoj koristi stečenoj kaznenim djelima koje su počinili članovi njihovih obitelji. Mjere su se temeljile na utvrđenju da, iako su podnositeljice zahtjeva bile formalne vlasnice imovine, ta je imovina bila na raspolaganju počiniteljima kaznenih djela.

Povreda članka 1. Protokola broj 1. u odnosu na prve dvije podnositeljice zahtjeva, a u odnosu na treću i četvrtu podnositeljicu zahtjeva nije došlo do povrede

Tsatani protiv Grčke

Predmet se odnosi na grčku tužiteljicu Apelacijskom sudu u Ateni, koja je bila predmet stegovne istrage zbog zatvaranja istrage o prijevari s međunarodnim elementima, što je izazvalo pritužbe ciparskih dužnosnika. Podnositeljica predstavke je zatražila izuzeće predsjednice Kasacijskog suda koja je protiv nje pokrenula stegovni postupak, optužujući je za pristranost i curenje informacija, no njezin zahtjev je odbijen, a protiv nje je pokrenut stegovni postupak koji je rezultirao umanjnjem plaće.

Povreda članka 6. Europske konvencije (nepriistrani sud)



Visoko sudsko i tužilačko vijeće Bosne i Hercegovine
Visoko sudbeno i tužilačko vijeće Bosne i Hercegovine
Високи судски и тужилачки савјет Босне и Херцеговине
High Judicial and Prosecutorial Council of Bosnia and Herzegovina



☰ Obavijest o preuzimanju sadržaja

Napomena: U slučaju preuzimanja vijesti istu preuzeti u integralnom obliku uz navođenje izvora informacije.